



Broj: 05-11-21803-2/21
Sarajevo, 11.01.2023. godine

Na osnovu člana 56. stav (2) Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj 35/05), člana 28. Zakona o državnoj službi u Kantonu Sarajevo („Službene novine Kantona Sarajevo“ br. 31/16 i 45/19) i člana 6. Odluke o načinu obrazovanja i utvrđivanja visine naknade za rad radnih tijela koje obrazuje Vlada Kantona Sarajevo i rukovodioci kantonalnih organa državne službe ("Službene novine Kantona Sarajevo", broj 18/20), a u vezi tačke V Rješenja Vlade Kantona Sarajevo broj: 02-04-1669-5/21 od 21.01.2021. godine o formiranju Jedinice za implementaciju projekta (PIU) "Energijska efikasnost u javnim objektima Kantona Sarajevo" i Odluke o privremenom finansiranju potreba Kantona Sarajevo za period od 01.01. do 31.03.2023. godine (br. 01-04-51519/22 od 28.12.2022. godine), ministar Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo donosi

RJEŠENJE

- Odobrava se naknada za rad članovima Jedinice za implementaciju projekta (PIU) "Energijska efikasnost u javnim objektima Kantona Sarajevo" (u daljem tekstu: Jedinica), imenovanih Rješenjem Vlade Kantona Sarajevo broj: 02-04-1669-5/21 od 21.01.2021. godine, kako slijedi:
 - Azra Agić, član.....iznos 300.00 KM (mjesečno)
 - Amela Rokša, član.....iznos 300.00 KM (mjesečno)
 - Sanela Hercegovac, član.....iznos 300.00 KM (mjesečno)
- Sredstva za isplatu naknade iz tačke 1. ovog rješenja obezbijedena su u Budžetu Kantona Sarajevo za 2023. godinu na osnovu Odluke o privremenom finansiranju potreba Kantona Sarajevo za period od 01.01. do 31.03.2023. godine (br. 01-04-51519/22 od 28.12.2022. godine), na razdjelu Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, a isplata će se vršiti sa ekonomskog koda 613900 - "Ugovorene i druge posebne usluge" (za člana Jedinice Sanelu Hercegovac - predstavnika Ministarstva za odgoj i obrazovanje Kantona Sarajevo) i ekonomskog koda 611100 - "Bruto plaće i naknade plaća" (za članove Jedinice Azru Agić i Amelu Rokša - predstavnice Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo), počevši od 01.01.2023. godine do usvajanja Budžeta za 2023. godinu, a najkasnije do 31.03.2023. godine.
- Ovo rješenje stupa na snagu danom donošenja.

O b r a z l o ž e n j e

Vlada Kantona Sarajevo, Rješenjem broj: 02-04-1669-5/21 od 21.01.2021. godine formirala je Jedinicu za implementaciju projekta (PIU) "Energijska efikasnost u javnim objektima Kantona Sarajevo" (u daljem tekstu: Jedinica), u čijem sastavu su imenovane:

- Aida Veladžić, Voditelj jedinice (spoljni stručni saradnik)
- Azra Agić, član
- Amela Rokša, član
- Sanela Hercegovac, član

Tačkom V navedenog Rješenja, utvrđeno je pravo na naknadu za članove Jedinice.

U skladu sa članom 6. Odluke o načinu obrazovanja i utvrđivanja visine naknade za rad radnih tijela koje obrazuje Vlada Kantona Sarajevo i rukovodioci kantonalnih organa državne službe ("Službene novine Kantona Sarajevo", broj 18/20), utvrđeno je da članovi Komisije koja se formira na osnovu rješenja Vlade, odnosno rukovodioca, kada poslove kao član komisije obavlja izvan radnog vremena, imaju pravo na maksimalnu mjesečnu naknadu za rad u komisijama do visine jedne i pol (1.5) osnovice iz člana 5. Zakona o plaćama i naknadama u organima vlasti Kantona Sarajevo ("Službene novine Kantona Sarajevo", broj 5/19).

Kako se radi o složenim i specifičnim poslovima i aktivnostima koje Jedinica obavlja izvan redovnog radnog vremena, to se članovima Jedinice, uposlenim u Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo (Amela Rokša i Azra Agić) i Ministarstvu za odgoj i obrazovanje Kantona Sarajevo (Sanela Hercegovac) odobrava naknada za rad u Jedinici, i to u mjesečnom obroku od po 300.00 KM (tristotine i 00/100), počevši od 01.01.2023. godine do usvajanja Budžeta za 2023. godinu, a najkasnije do 31.03.2023. godine.

Sredstva za isplatu naknada obezbijedena su u Budžetu Kantona Sarajevo za 2023. godinu na osnovu Odluke o privremenom finansiranju potreba Kantona Sarajevo za period od 01.01. do 31.03.2023. godine (br. 01-04-51519/22 od 28.12.2022. godine).

Voditelj Jedinice Aida Veladžić (spoljni stručni saradnik) odrekla se prava na mjesečnu naknadu za rad u Jedinici, putem Izjave date 12.05.2021. godine, pa stoga imenovana neće primati naknadu po navedenom osnovu.

Shodno navedenom, doneseno je rješenje kao u dispozitivu.

Pouka o pravnom lijeku:

Protiv ovog rješenja može se izjaviti žalba Odboru državne službe za žalbe Federacije Bosne i Hercegovine u roku od 15 dana od dana prijema Rješenja.

MINISTAR

Enver Hadžiahmedović, dipl.ing.maš.

Dostaviti:

- Imenovanim (3x)
- Jedinici za implementaciju projekta (PIU) "Energijska efikasnost u javnim objektima Kantona Sarajevo"
- ⊖ Evidencija (2x)
- a/a